

[0558]

75. *bismouskje*

Yn *bismouskje* 'yn fet gearsoarje' is sûnder mis in *-t-* weiwurden, hwat jin yn 'e letterkloft *-tskj-* gjin nij docht. *Bismouskje* < *bismoutskje* is in iteratyf fan *bismoutsje*, in gearstalling fan it forheaksel *bi-* en it grounwurd *smoutsje*, dat mei nnl. *smouten* 'mei fet ynsmarre) fet tafoegje' (*WNT XII*, 2216 e.f.) oerienkomt.

Smoutsje, nnl. *smouten*, is wer in denominatyf fan mnl. nnl. *smout*, mnd. *smalt*, *smolt*, âhd. mhd. *smalz*, nhd. *Schmalz* 'fet', dat ta de wurdfamylje fan nnl. *smelten* 'rane' biheart. It Nijnedêrlânsk hat ek noch *besmout* 'met smout bevuild' hawn, sa seach ik letter (*WNT II*², 2058). De ydg. stamme wie **(s)meld-*. Sjoch J. Pokorny, *Idg. etym. Wb.* 718, dêr't men jins gading fine kin.